



Na osnovu člana 169. stav (1) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 79/14) i člana 153. stav (1) Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 58/14), a s ciljem izvršenja zaključka Predstavničkog doma Parlamentarne skupštine BiH sa 7. sjednice, održane 10. marta 2015., i zaključka Doma naroda Parlamentarne skupštine BiH s 3. sjednice, održane 30. marta 2015., donesenih povodom razmatranja Izvještaja o provođenju Općih izbora 2014. godine, Predstavnički dom Parlamentarne skupštine Bosne i Hercegovine na 11. sjednici, održanoj 13. maja 2015. godine, i Dom naroda Parlamentarne skupštine BiH na 4. sjednici, održanoj 18. maja 2015. godine, donosi

ZAKLJUČAK

o formiranju Interresorne radne grupe za izmjenu izbornog zakonodavstva BiH

Član 1.

Formira se Interresorna radna grupa za izmjenu izbornog zakonodavstva BiH.

Član 2.

U Interresornu radnu grupu iz člana 1. ovog zaključka Predstavnički dom i Dom naroda imenovat će po tri člana, Centralna izborna komisija BiH tri člana i Vijeće ministara BiH tri člana.

Član 3.

Iz Predstavničkog doma imenuju se:

1. Hazim Rančić
2. Borjana Krišto
3. Lazar Prodanović

Iz Doma naroda imenuju se:

1. Halid Genjac
2. Bariša Čolak
3. Dragutin Rodić

Član 4.

Zadatak Interresorne radne grupe je da pripremi izmjenu izbornog zakonodavstva BiH te da ga posredstvom ovlaštenog predlagača uputi domovima u parlamentarnu proceduru.

Član 5.

Stručne i administrativno-tehničke poslove za Interresornu radnu grupu obavljat će Sekretarijat Parlamentarne skupštine BiH.

Član 6.

Svaka institucija koja ima predstavnike u Interresornoj radnoj grupi snosit će troškove naknade za njihov rad.

Član 7.

Ovaj zaključak stupa na snagu kad ga u identičnom tekstu usvoje oba doma Parlamentarne skupštine BiH, a bit će objavljen u "Službenom glasniku BiH".

Broj: 01,02-34-1-540/15
18. maja 2015. godine
Sarajevo

Predsjedavajući
Predstavničkog doma
Parlamentarne skupštine BiH

Šefik Džaferović

Predsjedavajući
Doma naroda
Parlamentarne skupštine BiH

Bariša Čolak